

Projekat koji u sport uključuje djecu sa i bez invaliditeta

DJEČIJIM OSMIJEHOM NAGRAĐEN TRENING STUDENATA

Studenti i asistenti Fakulteta sportskih nauka održali su inkluzivni trening sa mališanima iz Centra za podršku porodicama djece i odraslih sa poteškoćama u razvoju "Zvezdice" Banja Luka i obdaništa Kolibri, 23. maja.

"Trening je dio projekta "Mladi sportaši" koji je pokrenula Specijalna olimpijada Bosne i Hercegovine, a kojem se pridružio i Fakultet sportskih nauka i osnovni cilj je uključivanje djece sa i bez invaliditeta u zajedničke sportske programe na najbolji način tj. organizovanje inkluzivnih treninga", kazala je prof. dr Kada Delić Selimović, izvršni direktor Specijalne olimpijade BiH i nastavnik na Panevropskom univerzitetu "Apeiron".

Profesorica Kada dodala je da su roditelji, vaspitači, studenti i djeca uživali u zajedničkom druženju i sportskim aktivnostima i da je današnji trening uvertira za Dane inkluzivnog sporta, koji će se drugu godinu za redom održati na Univerzitetu Apeiron 4 i 5. juna. Iz Specijalne olimpijade najavljuju da će se slične aktivnosti već naredne sedmice održati u Lukavcu.

Banja Luka, 24. maj 2018. godine

Služba za odnose sa javnošću